

Marejeo ya Daftari la Mkutano wa Huduma na Maisha

OKTOBA 12-18

**HAZINA ZA NENO LA MUNGU | KUTOKA
33-34**

“Sifa za Yehova Zinazovutia”

it-2 466-467

Jina

Uumbaji unatoa ushahidi wa kutosha kwa-mba kuna Mungu lakini hautaji jina la Mungu. (Zb 19:1; Ro 1:20) Ili mtu aseme kwamba anamjua Mungu mengi yanahusika zaidi ya kulifahamu jina lake tu. (2Nya 6:33) Kunahusisha kumjua Yeye—makusudi yake, matendo yake, na sifa zake kama zinavyoonyeshwa katika Neno lake. (Linganisha na 1Fa 8:41-43; 9:3, 7; Ne 9:10.) Jambo hilo linaonyeshwa katika kisa cha Musa, mwanamume ambaye Yehova ‘alimjua kwa jina,’ yaani, walikuwa na uhusiano wa karibu sana. (Kut 33:12) Musa alipata pende-leo la kuona utukufu wa Yehova na ‘kusikia jina la Yehova likitangazwa.’ (Kut 34:5) Kutangazwa huko hakukuwa tu kurudiwa tena kwa jina la Yehova bali wonyesho wa sifa na matendo ya Mungu. “Yehova, Yehova, ni Mungu mwenye rehema na huruma, si mwepesi wa hasira, nina upendo mwingi mshikamanifu na kweli, ninawatendea maelfu kwa upendo mshikamanifu, ninasamehe makosa na uovu na dhambi, lakini sikosi kamwe ku-waadhibu wenyе hatia, ninawaadhibu wana na wajukuu kufikia kizazi cha tatu na channe kwa sababu ya makosa ya baba zao.” (Kut 34:6, 7) Kwa kuongezea, wimbo wa Musa wenyе maneno, “kwa maana nitalita-ngaza jina la Yehova,” unasimulia jinsi Mungu alivyoshughulika na Waisraeli na unaonye-sha utu wake.—Kum 32:3-44.

OKTOBA 26-NOVEMBA 1

**HAZINA ZA NENO LA MUNGU | KUTOKA
37-38**

“Madhabahu Katika Hema la Ibada na Fungu Lake Katika Ibada ya Kweli”

it-1 82 ¶3

Madhabahu

Madhabahu ya uvumba. Madhabahu ya uvumba (inayoitwa pia “madhabahu ya dhahabu” [Kut 39:38]) ilitengenezwa kwa kutumia mbaо ya mshita, na sehemu yake ya juu ilifunika na dhahabu. Juu yake kulikuwa na ukingo wa dhahabu. Madhabahu hiyo ilikuwa ya mraba wenyе urefu wa sentimita 44.5 na kimo cha sentimita 89, pia ilikuwa na “pembe” zilizojitokeza katika pande zake nne. Pete mbili za dhahabu zilitengenezwa ili kushikilia fito za mshita za dhahabu zilizo-tumiwa kubebea madhabahu, na pete hizo za dhahabu ziliwekwa chini ya ukingo wa dhahabu kwenye pande mbili zinazoelekeana za madhabahu. (Kut 30:1-5; 37:25-28) Mara mbili kila siku, asubuhi na jioni, uvumba maalumu ulifukizwa katika madhabahu hiyo. (Kut 30:7-9, 34-38) Katika sehemu nyiningine, chetezo kinatajwa kutumiwa katika kufukiza uvumba huenda kwenye madhabahu ya uvumba. (Law 16:12, 13; Ebr 9:4; Ufu 8:5; linganisha na 2Nya 26:16, 19.) Madhabahu ya kufukiza uvumba ilikuwa ndani ya hema la ibada mbele ya pazia la Patakatifu Zaidi hivi kwamba ilisemwa kuwa “mbele ya kifunko kilicho juu ya sanduku la Ushahidi.” —Kut 30:1, 6; 40:5, 26, 27.

it-1 1195

Uvumba

Uvumba mtakatifu uliotumiwa katika hema la ibada nyikani ultiengenezwa kutoчana na

vitu vyenye gharama kubwa vilivyochangiwa na taifa. (Kut 25:1, 2, 6; 35:4, 5, 8, 27-29) Alipotoa maagizo ya jinsi ya kutayarisha manukato hayo yaliyochanganywa kwa kutumia viungo vinne, Yehova alimwambia Musa hivi: "Chukua vipimo vinavyolingana vyaa manukato haya: matone ya natafi, shekelethi, kelbena yenyne manukato, na ubani safi. Yatumie kutengeneza uvumba; viungo hivyo vinapaswa kuchanganywa kwa ustadi, vitiwe chumvi, viwe safi, na vitakatifu. Utaponda baadhi ya viungo hivyo viwe unga laini na kuweka kiasi fulani mbele ya sanduku la Ushahidi katika hema la mkutano, mahali nitakapokutokea. Mchanganyiko huo unapaswa kuwa mtakatifu kabisa kwenu." Kisha, ili kuwakumbusha jinsi uvumba huo ulivyokuwa wa pekee na mtakatifu, Yehova aliongeza kwa kusema: "Yeyote atakayetengeneza uvumba kama huo ili afurahie harufu yake ni lazima auawe."—Kut 30:34-38; 37:29.

it-1 82 ¶1

Madhabahu

Madhabahu za mahema ya mkutano. Hema la ibada liliposimamishwa, madhabahu mawili yalijengwa kulingana na maagizo ya Mungu. Madhabahu ya dhabihu za kuteketezwa (huitwa pia "madhabahu ya shaba" [Kut 39:39]) ilitengenezwa kwa mbao za mshita na ilikuwa na umbo la sanduku lenye uwazi, yaani, bila sehemu ya juu au chini. Ilikuwa na urefu na upana wa mita 2.2 (futi 7.3) za mraba na kimo cha mita 1.3 (futi 4.4) na ilikuwa na "pembe" zilizojiteza kwenye ncha zake nne za juu. Madhabahu hiyo ilifunikwa kwa shaba. Wavu wa shaba uliwekwa "chini ya" ukingo wa madhabahu, na uliishuka ndani ya madhabahu "kufikia katikati." Pete nne ziliwekwa kwenye pembe nne za wavu huo, na huenda pete hizo ndizo zilizotumiwa kuitishia fito mbili za mshita zilizofunikwa

kwa shaba ambazo zilitumiwa kubeba madhabahu. Huenda hilo linamaanisha kwamba tundu lilitobolewa pande mbili za madhabahu ili kuwezesha wavu kuingizwa, huku pete hizo zikitokeza pande zote mbili. Wasomni wana maoni mengi tofauti kuhusu jambo hilo, na wengi wanasema kwamba huenda kulikuwa na pete za aina mbili. Aina ya pili ya pete hizo ziliunganishwa kwa nje na ndizo zilizoingiziwa fito za kubebeta madhabahu. Vyombo vyaa shaba vilivyotengeneza vilitia ndani ndoo na sepetu za kuondolea majivu, mabakuli yaliyotumiwa kukusanya damu za wanyama, nyuma za kushikia nyama, na vyezezo.—Kut 27:1-8; 38:1-7, 30; Hes 4:14.

Kutafuta Hazina za Kiroho

it-1 36

Mshita

Mshita una miiba mingi mirefu inayojiteza katika matawi yake mapana. Matawi hayo mara nyingi huingiliana na ile ya mishita ya karibu na kufanyiza vichaka vilivyosongamana; jambo hilo linafafanua vizuri kwa nini wingi wa neno *shit-tim'* ndilo hutumawa mara nyingi katika masimulizi ya Biblia. Mshita hukua na kufikia urefu wa mita 6 hadi mita 8 (futi 20 hadi 26), lakini mara nyingi huonekana kama pori. Una majani laini, nao hufunika na maua ya manjano yenyne harufu nzuri yaliyo na matunda. Mti huo umefunikwa na gome lenye rangi nyeusi, na mbao ngumu ambayo haiwezi kuathirirwa inaposhambuliwa na wadudu. Sifa hizo na upatikanaji wake katika maeneo ya jangwani, zilifanya mshita uwe wenye kufaa sana kujengea hema la ibada na vifaa vyake. Mshita ilitumiwa kujenga sanduku la agano (Kut 25:10; 37:1), meza ya mikate ya wonyesho (Kut 25:23; 37:10), madhabahu (Kut 27:1; 37:25; 38:1), fito za kubebeta

vyombo hivyo (Kut 25:13, 28; 27:6; 30:5; 37:4, 15, 28; 38:6), nguzo za pazia (Kut 26:32, 37; 36:36), na viunzi vyake (Kut 26:15; 36:20) pamoja na fito zinazouunganisha (Kut 26:26; 36:31).

